



02075

管窺輯要卷之二十一

六安黃鼎玉耳父纂定

男九命簡臣

九思視先

九成

桐城方兆及子詒同閱

北斗

北斗七星在紫微垣外太微垣北也七政之樞機陰陽之元本也魁第一星曰天樞二星曰璇三曰

管窺輯要

卷之二十一

一

璣四曰權五曰衡六曰開陽七曰瑤光一至四為

魁亦曰璇璣五至七為杓亦為玉衡杓指龍角衡

中南斗魁枕參首樞為天璇為地璣為人權為

衡為音開陽為律瑤先為呂又為帝車運乎中央

而臨制四方以建四時均五行定紀綱為號令之

三石氏曰北斗第一星一曰正星主陽德天子之

象也二曰法星主陰刑女主之象也三曰令星主

禍害四曰伐星主大理伐無道五曰殺星主中央

照四方殺無道六曰危星主天倉五穀七曰部星



亦曰應星主兵又曰北斗一主天二主地三主火
四主水五主土六主木七主金又曰一主秦二主
楚三主梁四主吳五主趙六主燕七主齊其星均
明則國昌不明則國有殃若天子不敬宗廟不事
鬼神則第一星不明或變色若廣營宮室妄作山
陵則第二星不明或變色若不愛百姓驟興徭役
則第三星不明或變色若號令不明不順四時則
第四星不明或變色若廢正樂好淫聲則第五星
不明或變色若峻法濫刑退賢傷正則第六星不
明或變色若廣聚金玉不修道德則第七星不明
或變色王者德合天地則北斗齊明國祚昌七星
俱暗則國祚亡

管窺輯要

卷之二十一

二

北斗自暈及動搖皆爲兵起 斗旁小星多則天
下安星少則民怨上國人離叛北斗自暈有破軍
北斗晦天下臣背君北斗動搖天下盡以兵死斗
中無星二十日有赦

北斗正星色赤有兵色白爲水色青曰春至夏牛

馬雜物貴夏至秋五穀貴秋至冬粟來魚鹽貴冬

至春菜貴糶賤

法星色赤有兵色青君有暴疾色白有白衣會色
黃黑更弊色黑有大水色黑而白角環之有暴風
大水

令星色青更法令天下不寧青黑有兵

伐星色青若赤大臣有憂色黃人主有喜

殺星色青米粟貴色黃赤菽貴色青黑麥貴色白
禾黍貴

星色青有離國色赤有兵

管窺輯要

卷之二十一

三

應星色赤有兵春赤有喜色青有徙民色黃君益
地色白有憂色黑有水

月入北斗天下大亂更主易政 月暈連環及北

斗天下亂國有喪民流千里喪地有大赦

歲星入北斗口天下大亂易主有大水

水星守北斗貴人下獄天下亂水守斗東貴人下

獄守斗西大饑守斗南五穀不熟守斗中人相食

熒惑入北斗魁中天下多獄廷尉坐之貴人有繫
者一日天下大亂易主天子死不出三年

火星守北斗天下大亂諸侯並起天子憂民多徙
宮室賤火抵北斗拘女主用事火舍北斗西人相
食舍其東五穀不實舍其南木菓不實舍其北天
下大兵火星與北斗鬪有徙王移都宮宅破民去
其鄉不出其年鎮星入北斗天下大饑大亂有
亡國更主

太白入北斗魁中臣奪主位天子棄宮走天下大
亂更政太白犯北斗若守之人主禦守國亂執政
者憂貴人繫獄辰星犯北斗魁下大饑大亂亡國

管窺輯要

卷之二十一

四

更主 客星入北斗魁中貴人繫獄人主左右有
困者色黃白釋冤青憂黑死赤誅一曰大臣諸侯
憂國易主將相戮

客星入北斗魁上下色青黑人主憂色赤外國與
中國爭兵色黃白人主有慶賀事 客星入北斗

正星大人遇賊入法星主凶入令星執法令者死
入伐星蠻夷國以水兵至入殺星大臣主司馬者
死入危星國易政入部星諸侯兵起子攻父弟攻
兄 客星出北斗魁中天子自將兵國傾危民多

若有死君色赤楚當之色青齊當之色黃衛當之色白秦當之色黑燕當之一曰天子當之有赦星大赦大星小赦小期九十日 客星出北斗正星爲政者易出法星人主當之出令星執法者逐出伐星天子與蠻夷和親出殺星大臣走出危星天子令不行 客星出北斗中如赤鳥黑頭天下起兵 客星出北斗旗間大兵起貴臣誅人主憂旗者紫微宮北斗兩間也 客星出北斗旁不入斗貴人憂以色占之 客星離北斗柄中央色青相

管窺輯要

卷之二十一

五

有憂色赤有兵色黃白有赦若相遇賊色黑相死去北斗一尺期一年去二尺期二年 客星來居北斗魁下色青黑中國有兵大亂 客星守北斗七星人君有憂天下有大變水道不通 客星抵伐星人多死有光女主憂有光環伐星君疾

流星入北斗魁中天下亂大發兵將軍出期一年石氏曰失名人大臣有繫者以五色占其吉凶流

星入北斗外國有使以金王來貢 流星入北斗
魁中大臣有叛者流星入北斗應星中有赦乙巳
占曰兵大起使者回還秦事內亂爲災流星出北
斗人主使人於諸侯色黃白有賀事色青黑有憂
事色赤有兵事期二年 流星出北斗魁中兵起
將出有赦一曰色赤期一年兵起色黃則有赦
流星出北斗東行齊魯鄭負兵南行吳楚負兵西
行秦晉負兵北行燕趙負兵不出三年 流星出

北斗部星天子伐諸侯天下不服 流星出北斗

管窺輯要

卷之二十一

六

伐星天子遣使於蠻夷爲和 流星出北斗危星
天子有出令 流星從南斗入北斗有赦 流星
出北斗危星有變事兵起不出二年 流星出北
斗旁明如炬火壯如繒布長六七尺賊臣專制流
星拂北斗而過其年有戮臣 流星抵北斗天下
大發兵流星抵北斗東行其年臣有戮死者流星
抵北斗正星大人遇賊

流星抵法星有光人主疾無光女主疾色青三日
有兵流星抵令星兵起天下搖動 流星抵伐星

蠻夷以水兵來入中國若抵破伐星兵大戰流星
抵危星五穀不成人主憂星色赤有兵黃土工興
白有喪黑有分國期一年 流星抵部星大臣憂
期六月數抵部星王者忌之流星至北斗魁而居
其旁貴人有避罪者

流星以冬至前後十日內繫北斗柄天子當之期
六十日

枉矢入北斗魁柄天子防奸刺廢星入北斗遣使
之匈奴

管窺輯要

卷之二十一

七

彗孛入北斗諸侯結謀凌天子天下大亂臣亡君
子亡父帝室將空天下兵起國易主一曰孛入北
斗天子出走強國伐兵諸侯爭權彗孛貫斗羣雄
爭天下

彗孛出北斗國易政兵起大戰先起者亡後起者
昌一曰臣謀叛官中兵起 彗出北斗長八九丈
名曰勉宮出則天子更政雲氣五彩入北斗天子
立太子不出其年

青雲氣歷北斗七星縱行則天子出令違四時橫

行則天子出令順四時青雲氣掩斗明日雨青雲
氣加北斗法星有大水狀如刀劒牛馬大損青雲
氣在北斗法星不明有兵國有憂 青雲氣長竟
天其未有星加法星天下有大水有大獄青雲氣
壓北斗大雨卽至 青雲氣覆北斗上兵起氣多
兵多氣少兵少 赤雲氣加北斗法星或入之皆
有兵二年乃止赤雲氣入斗兵起宮廟火災赤氣
入北斗魁中兵出赤雲氣入斗魁中將相有戮者
亦爲兵起赤雲氣入北斗環繞之或出入北斗皆
管窺輯要

卷之二十一

八

爲大兵大戰流血至人將死客軍勝 赤氣若霧
掩北斗明日大熱殺人 赤氣出北斗魁前兵起
黃氣出北斗魁中天子出德令 黃雲氣歷北
斗七星縱行則君明皆有喜橫行則天子獨有喜
黃雲霧蔽北斗明日雨 黃雲氣加北斗正星有
兵不發有土工 黃雲氣加令星有死將再三至
有軍相對 白氣壓北斗不過三日有雨白雲氣
加令星更法令雜貴菽粟麻鹽皆貴白雲氣加殺
星有兵不出一年白雲氣如匹練衝入北斗兵起

大戰白氣入北斗魁中幸臣有繫者出之禍除

白氣如車轉移入北斗下有流血大將死 白氣

濛濛然有光自地起接連北斗大風卽至白氣加

北斗正星三十日不雨有兵火若白衣之會有土

工期百日 曰氣加正星有軍在外則戰無則有

疾 黑雲氣歷北斗旁大如皮席狀如禽獸不出

三日必雨不雨則狄人入塞黑雲氣加北斗正星

有軍不戰 黑雲氣歷北斗七星縱行則天子有

憂橫行人民有憂黑雲氣加殺星有募兵半歲罷

管窺輯要 卷之二十一 九

黑氣入斗魁中貴人下獄死 黑氣入北斗如烏

鳥如龍蛇變化爲疾病死亡不宜乳婦夷兵欲起

中國宜察讒臣防奸宄 黑氣出北斗法星間不

出一年有赦三年大水黑氣集北斗伐星下星色

黃有兵事 青雲氣加北斗正星有水災將軍死

軍中有大水有移國更名者一曰有兵三歲而罷

青白雲氣加北斗伐星色赤有兵不出一年雲

氣加法星之上天下變更將相死不則有赦五穀

貴雲氣加殺星相反大人疫星色黑赤氣加之有

兵憂雲氣加危星色青有憂黃有土工 雲氣出

北斗應星中有移民色赤有兵黃增地黃白氣入

北斗有使從外來入魁中天子左右囚者蒙赦青

黑氣入北斗魁中貴臣死獄中出則禍除 蒼黑

氣入北斗多大風八魁中貴人下獄一曰大臣謀

叛黃白氣出北斗天子遣使於諸侯 黃白加法

星有土工麥暴貴 黃白氣橫北斗上下或出入

北斗皆為國有喜天晴無雲而北斗上下獨有雲

後五日必大雨天子不明則恒有雲氣覆斗虹蜺

管窺輯要

卷之二十一

十

于斗主流血強國兵起

輔星

輔星在開陽之旁所以佐斗成功也主輔政主驕

不平丞相之象也其星欲小而明近則輔臣親疎

則輔臣遠去斗五六寸則相死不死則出走近斗

一二寸則臣迫主大而明則臣奪君政小而不明

則臣強主弱輔星不任職斗星明而輔不明主強

臣弱輔明而斗不明則臣強主弱輔星明與斗齊

則國兵暴起輔合於斗十日兵起輔亡不見相死

若近臣合黨排賢用佞則輔生角臣擅國權欲謀社稷則輔生翼一曰輔生翼大將謀天子驚不出三年主死臣爲君輔星生角江河潰決輔星入斗中相下獄

客星入輔星有善令若犯或守之色青相以罪免色赤相受兵若將兵色黃有善令色黑相死或黜流星入輔星相不治天下天子治之若出輔星相死犯之相憂

黃白雲氣集輔相有喜赤氣入輔星相受斧鉞之管窺輯要 卷之二十一 十一
誅蒼白氣入輔星相有憂白氣入輔星相黜黑氣入輔星相死

二十八宿之星數

星龍之星三十二星武之星三十五星虎之星五十一星雀之星六十四合之而一百八十二星

二十八宿之度數

星龍之度七十五星武之度九十八四分度之一星虎之度八十星雀之度百二十合之而爲周天三百六十五度四分度之一一度二十九百三十

二里分爲十二次

二十八宿之分野

自斗十一度至婺女七一名須女曰星紀之次辰在丑謂之七奮若律中黃鍾斗建子今吳越分

自婺女八度至危十六次玄枵一名天龜辰在子曰困敦律大呂斗建丑今齊分 自危十七度至

奎四次豕韋一名嫫訾辰在亥曰大淵獻律太簇斗建寅今衛分 奎五至胃六次降婁辰在戌曰

闒茂律夾鍾斗卯今魯分 胃七至畢十一次大

管窺輯要

卷之二十一

十一

梁辰酉曰作噩律姑洗斗辰趙分 畢十二至東

井度十五次實沈辰申曰涇灘律中呂斗已晉魏

分 井十六至柳八次鶉首辰未曰協洽律蕤賓

斗午秦分 柳九至張十七次鶉火辰午曰敦牂

一名大律於律爲林鍾斗未周分 張十八至軫

十一次鶉尾辰巳曰大荒落律夷則斗申楚分

軫十二次至氏四次壽星辰在辰曰執徐律南呂

斗酉韓分 氏五至尾九次大火辰卯曰單闕律

無射斗戌宋分 尾十至斗十百三十五分而終

折水辰寅曰攝提格律應鍾斗亥今燕分

後司

農鄭氏曰天有十二次日月之所纏地有十二分
王侯之所國是以二十八宿分配十二辰與七政
互行一左一右相爲經緯所以與其五行以成天
地四時之造化春秋傳曰二十八宿分在四方方
有七宿共成一象蟲獸在地有象在天東蒼龍西
白虎皆南首北尾南朱雀北玄武皆西首東尾從
角起而左旋

爾雅壽星角亢郭注數起於角列宿之長故曰壽
管窺輯要

卷之二十一

三

星方有七宿者第斗至壁是謂星武第奎至參是
謂星虎第井至軫是謂星鳥第角至箕是謂星龍
環列四方隨天西轉方有定星星無定居故隱見
各有其時林氏曰鳥火虛昴皆分至之昏見於南
方正午位之中星仲春之月七宿各居其方位故
星火在東鳥在南昴在西虛在北日在昴入於西
地則初昏時鷄火見於南方正午之位當是時晝
夜各五十刻是謂春分之氣至仲夏之月則鳥轉
而西火轉而南虛轉而東昴轉而北日在星入於

辛地初分之時大火房心見於南方正午之位當是時晝長夜短晝六十刻夜四十刻是爲夏至之氣至仲秋之月則火轉而西虛轉而南昴轉而東鳥轉而北日在心入於酉地初昏之時虛見於午位當是時晝亦各五十刻是爲秋分之氣至仲冬之月則火轉而北鳥轉而東虛轉而西昴轉而南日在入於地初分之時昴見於午位當是時晝短夜長晝四十刻夜六十刻是爲冬至之氣分至之氣既定則十二月之氣無不定矣星鳥以

管窺輯要

卷之二十一

七

象言星火以次言虛昴以宿言互相備也按天地四時之氣皆不外於中子午者二至之中亦天地之中卯酉者二分之一中亦陰陽之中也以二十八宿之中星至於中而止聖人出而致中和以位天地者亦曰執中而已

箕好風畢好雨之異

箕畢尚妻之所好中央土氣爲風東方木氣爲雨木尅土爲妃故箕星好風是尚妃之所好也畢屬西方金氣爲陰尅東方之木爲妃故好雨而尚妻

之所好又申寅兩相冲破申來逆寅寅被逆故爲
颶風寅來破申申被逆故爲暴雨

五緯興周

國語曰武王伐商歲在鶉火月在天駟日在析木
辰在斗初星在天龜管攷周之興也鶉火直軒轅
之虛稷星係焉房與歲星相經緯以屬威靈仰之
神后稷感以生焉鶉首又當山河之右太王以興
而后稷封焉及周師之出也日在箕斗度則析木
之津日在房四度則升陽之駟又三日得周正月

管窺輯要

卷之二十一

五

庚寅朔日月會南斗一度則辰在斗柄也是時火
師與周星俱進而水星伏於天龜所以告顓帝而
終水行之運自天龜及析木歲星及鶉火文退行
而旅於鶉首而後進及鳥帑所以反復其道以經
綸周室者豈人方哉宜其十世三十歷年八百爲
古今有道之長也

周禮星土辨九州封域皆有分星

分星其說有三伶州鳩曰歲星所在則我之分野
古堪輿書亡後郡國志入非古歲星或北或西與

古受封所在不同一也唐虞及夏萬國殷周千七百七十三國並依附十二邦以係十二次之星法先王命親之意以主祀爲重如封閼伯商丘主辰爲商星商人是因封實沈大夏主參爲夏星唐人是因唐後爲晉參爲晉星二也今以分野次舍攷之青州在東玄枵在北雍在西鶉首在南以至楊東南星紀北冀東北大梁西徐東降婁西豫與三河居中大火在王東此躔次之最差者三也三說不同識者當自擇之

管窺輯要

卷之二十一

六

朱子曰緯星陰中之陽經星陽中之陰五星皆地上木火土金水之氣上結而成却受日光

經星是陽氣之餘凝結者閃爍開合其光不定緯星有芒角其本體之光亦自不動皆受日之光也

朱子曰經星晝夜左旋一周而有餘天有十二次今織女星在漢旁終日七襄者自卯至酉當更七次爾雅註曰五星皆右行於天二十八宿則著天體不動故爲經星五星爲緯若織之經緯然五緯惟辰星難見如血之流行於肌肉之間者至幽也

辰星屬坎爲水善隱伏沅濟沘潛之水潛行千餘里而後見營室天子宮皆中宮經星緯星動爲陽而太白辰星爲陰經星不動爲陰而析水鶉首爲陽

日月五星俱起牽牛之初

卽漢太初曆十一月朔旦冬至也漢劉氏曰指牽牛之初以紀日月故曰星紀五星起牽牛初日月起其中凡十二次且至其初爲節至其中斗建下爲十二辰視其建而知其次漢家哀曰冬至日起

管窺輯要

卷之二十一

七

牛宿一度斗建子位杜預曰十二次從星紀起而右旋爾雅曰星紀起斗斗牽牛也郭注曰牽牛斗者日月五星之所終始也傳不曰冬至曰日南至蓋謂日自鶉尾而來至牽牛也日中景最長以此知其南至斗綱之端連貫營室織女之紀逸周書曰維十有一月旣南至昏昴畢日踐長微星動於黃泉是月也斗建子始昏指北日月俱起牽牛右廻而行月周天起一次而與日會日行月一次而周天曆會於十有二辰終則有始是謂日月權輿

天下山分爲四條上應二十八宿

曰岍岐荆山壺口雷首太嶽底柱東方宿也其次曰降箕玄枵以負東海神主岱山曰歲星

曰析城王屋太行恒山碣石西傾朱圉北方宿也

其次曰大梁析木以負北海神主恒山曰辰星

曰鳥鼠太華熊耳外方桐栢蟠冢陪尾西方宿也

其次曰鶉尾實沈以負西海神主華山曰太白

曰荆山內方大別岷山衡山九江敷淺原南方宿

也其次曰星紀鶉尾以負南海神主衡山曰熒惑

管窺輯要

卷之二十一

六

中州

居天下中其次曰鶉火大火壽星豕韋神主嵩山曰鎮星

負險用武之國

於天象則弘農分陝爲兩河之會自峽而西爲秦涼北紀山河之曲爲晉代南紀山河之曲爲巴蜀

四戰用文之國

陝東三川中嶽爲成周西距外方大伾北濟南淮東達距野爲宋鄭陳蔡河內及濟水之陽爲鄆衛

漢東濱淮陰爲申隨

管窺輯要卷之二十一終

管窺輯要

卷之二十一

十九



漢東濱淮陰爲申隨

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

管窺輯要

卷之二十二

桐城方兆及子詒同闕

一



六安黃

鼎玉

耳父

纂定

宋志曰紫微垣東籓八星西籓七星在北斗北左
 右環列翊衛之象也荆州占曰有雲氣如雞雛出
 此子孫之氣赤黃氣潤澤入天子有喜黃白氣如
 旗起人主壽如杓破碗入有璧玉喜白氣出有喪
 黑入有兵

管窺輯要

卷之二十二

二



天文錄曰北極五星在紫微宮中北在之最尊者其紐星天樞也黃白氣入兵起黑氣入大人憂黃白氣如飛鳥入神氣有喜

天文錄曰六甲六星在華蓋旁主分陰陽配節候黃雲人術士興蒼白氣入太史官受賜 宋志同

樂緯執圖微曰勾陳六星在紫宮中主後宮巫咸

曰天子護軍黃白氣出不戰罷兵赤氣出將有功

蒼白青黑氣入皆主大司馬憂 宋志曰勾陳星

不欲甚明明即女王惡之

管窺輯要

卷之二十二

天文錄曰天皇帝一星在勾陳口中其神曰耀

魄寶主御羣軌萬神圖大人之象也黃白氣入連

大帝坐有喜出天皇上者改立王 宋志同

天文錄曰女史一星在柱史北主婦之微者主傳

漏黃白氣入女史有喜

天文錄曰四輔四星又名四弼在極星側所以輔

佐出政也黃白氣出將相有喜黑入有疾 宋志

曰黃白氣入四輔有喜白氣入相失位

天文錄曰柱史一星在北極東左右史之象黃氣

入史有爵祿蒼白氣入史官死 宋志同

管窺輯要

卷之二十二

四



天文錄曰五帝內座五星在華蓋之下帝所居也
黃氣入君有喜當立宗廟氣入不出六十日太子
卽位 宋志曰黃氣入太子卽位期六十日赤黃
人君有異

天文錄曰傳舍九星在華蓋上主賓客館舍黑氣
人胡兵侵中國 宋志同

天文錄曰天柱五星在東垣下主政教赤黃氣入
天子喜封廟陵事氣出天下喜三公受爵黑入將
相死 宋志曰雲氣赤黃入君喜黑入三公死

管窺輯要

卷之二十二

五

天文錄曰入穀八星在華蓋西五車北主歲豐歉
黑氣入萬物不收大荒 宋志同

天文錄曰御女四星在大帝北御妻之象黃白氣
入有子孫之喜黃氣入后妃受賜蒼白氣入后妃
多病 宋志曰雲氣化黃爲后宮有子喜蒼白多

病

天文錄曰天理四星在北斗魁中乃執法之官赤
氣入兵大起將相行兵 宋志同

天文錄曰大理二星在宮門北主評刑斷獄黃白

氣入有救法官受遷黑入決獄不平法官受黜
志同

天文錄曰陰德二星在尚書西主周急賑濟黃氣
入天子有喜諸侯受賜黑青入太子憂之
宋志同

管窺輯要

卷之二十一

六



天文錄曰天牀六星在紫微垣南門外主燕寢黃
氣入天子有喜黃氣出主生子孫白入君不安青
入君有憂 宋志曰雲氣入色黃天子得美女後
宮喜有子蒼白主不安青黑憂白凶

天文錄曰華蓋七星在九星有柄下垂所以覆蔽
帝座在紫微宮臨勾陳之上黃氣入天子喜赤入
侯王受賜 宋志同

天文錄曰相一星在北斗第四星南主總領百司
掌邦教黃氣入諸侯有喜

管窺輯要

卷之二十二

七


天文錄曰文昌六星在北斗魁前紫微垣西天之
六府也主集計天道黃雲入三公受賜蒼白入將
相憂赤黑入三公黜

天文錄曰勢四星在太陽守西北主助宣王命內
常待官也白氣入中官受賜赤入中官叛黑入中
官憂宋志曰勢腐形人也其星以不明爲吉明則
闕人擅權

天文錄曰太子一星在帝座北帝之儲也黃氣入

太子喜黑則憂

雲氣犯太陽守星



管窺輯要

卷之二十二

八

天文錄曰太陽守一星在相星西北斗第三星西南大臣大將之象主設武備以戒不虞黃氣入大臣受賜蒼白入將軍戰死赤入宰相憂

宋志同

天文錄曰內五諸侯五星在九卿西主刺舉戒不虞蒼白氣入諸侯有喪

天文錄曰北斗七星在太微北七政之樞機陰陽之元本也有五色雲入立太子赤氣覆之黃氣入君喜黑入民憂赤入宮廟火黑入如禽獸狀北厲

入塞

雲氣犯天中星



雲氣犯天右星



雲氣犯天星



雲氣犯天左星



管窺輯要

卷之二十二

九

雲氣犯四
五帝五星



雲氣犯
太微垣



上將 次相 次將

上將

百右掖門右執事
御女大夫之象

東左掖門左執
法廷尉之象

上相

上將 次將 次相

天文錄曰天半六星在北斗魁下貴人之牢也三
繩愆禁暴黑氣大員長三四尺出貴人親屬有憂
天文錄曰天一一星在紫微宮門右星南主戰鬪
知吉凶黃氣入君臣和萬物成朝中多賢士天下
太平黑入宰相黜

宋志同

天文錄曰大乙一星在天一南相近一度主風雨
水旱兵饑黃白氣入百官受賜赤入兵旱偏野蒼
白入民多疾疫

宋志同

天文錄曰天棊五星在女牀北天子先驅也主分
管窺輯要

卷之二十二

十

爭與刑罰蒼白氣入兵起將死黃白入臣有拜賜
黑入大人憂宋志曰雲氣犯蒼白黑爲凶

天文錄曰內五帝座五星在太微垣中黃白氣入
天子有子孫喜赤青近臣有謀蒼白則有喪事

宋志同

天文錄曰太微垣十星天子庭也左掖在端門東
右掖在端門西白氣入太微垣有光人主益壽黃
氣如箒入有婦人喜赤黃天子有劔喜氣如獸入
天子以獸賜諸侯白氣如杯碗入有璧玉喜青黑

赤氣皆有憂如左右掖門有黃氣入天子喜蒼白氣出有喪事青入有兵起黑入有憂

宋志曰雲氣出入色微青君失位青白黑入左右掖為喪出無咎赤入東掖門內起兵黃白入太微垣人主喜年壽長入左右掖門天子有德令黑及蒼白入天子憂出則無咎黑氣如蛇入垣門有喪

管窺輯要

卷之二十二



雲氣犯
伴臣星

雲氣犯
伴臣星



管窺輯要

卷之二十二

十二

天文錄曰玄戈一星又名天戈在招搖北至胡兵
黑氣入胡兵退蒼白氣入胡人疾疫 宋志同

天文錄曰伴臣一星在帝座東北親愛之官侍太
子者赤氣出五帝座入伴臣中不出六十日近臣
謀君若氣不明者不成明則成宋志曰以暗為吉
青赤氣入之近臣謀君不成


天文錄曰郎位十五星在帝座東北一曰依烏郎
府也周之元士漢之光祿中散諫議議郎是其職
至衛守也黃氣入潤澤中郎受賜黑則中郎雙死

蒼白中郎爲亂赤則中郎兵起宋志曰赤氣入兵起黃白吉黑凶

管窺輯要

卷之二十一

十三



雲氣犯
三台星


上六口司
命主壽

中台司中
主宗室

下台司
麻王兵

雲氣犯
從官星

雲氣犯
下井星



天文錄曰三台六星兩兩而居起文昌列抵太微
一曰天柱在人曰三公主開德宣符黃氣入將相
有喜黑則三公憂白則則公黜宋志曰雲氣入蒼
白民多傷黃白潤澤民安君喜黃將相喜赤爲憂
青黑憂在三公蒼白三公黜

天文錄曰從官一星在太子北侍臣也主疾病巫
人黑氣入巫人受戮黃則巫人受爵宋志曰以不
見爲安一曰不見則帝不安如常則吉

天文錄曰女牀三星在天紀北后宮御女侍從官
管窺輯要

卷之二十二

十四

也主女事黃氣入后宮有禳曰則有喪黑有死者
青宮女多疾病

宋志同

人黑氣入巫人受戮黃則巫人受爵宋志曰以不

天文錄曰

青黑憂在三公

白氣入



天文錄曰

一曰天柱在人曰三公主開德宣符黃氣入將相

天文錄曰三台六星兩兩而居起文昌列抵太微

雲氣犯天市垣

雲氣犯貫索星



管窺輯要

卷之二十二

五

天文錄曰天市垣二十二星在氏房心尾箕斗內
 宮之內天子之市天下所會也黃白氣入縮帛常
 集天市中有神氣如竒物入天子喜萬物賤蒼白
 氣入萬物貴赤則有火災宋志雲氣入蒼白民多
 疾蒼黑物貴出物賤黃白物賤黑為膏夫死
 天文錄曰貫索九星在七公星前賤人之牢也一
 曰連索一曰連營一日天牢主法律禁強暴蒼白
 氣入天子亡赤則兵起黑氣入獄多枉死黃則天
 子喜宋志曰雲氣入色蒼白天子亡地青兵起黑

多枉死白天子喜

六安黃

補耳父

管窺輯要卷之二十二終

十六



天眞轉要卷之

官之內天

集天市

氣人萬物

疾蒼黑物

天文錄曰

曰連索一曰

氣入天子

參球張自

管窺輯要卷之二十三

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒同闕

管窺輯要

卷之二十三

三公總光



管窺輯要卷之二十三

東方七宿總論

晉時列宿起角唐時列宿起虛朱子曰天無體只二十八宿便是天體日月皆從角起天亦從角起日則一日運一周依舊到角上天則一周又過角些東方七宿三十星其屬三十九座共一百五十六星其精蒼龍氏胸房腹箕所糞也俗傳角爲天門亢爲天庭氐爲天府房爲天駟心爲天王尾爲天雞箕爲天津此乃東方七宿

角宿二星爲天關其間天門一曰維首其內天庭管窺輯要

卷之二十三

二

也故黃道經其中七曜之所行左角爲天田爲天獄爲大理主刑其南爲太陽道右角爲天尉爲將主兵其北爲太陰道蓋天之三門爲房之四表其星明天下太平賢臣在朝其星搖動移徙主王巡不明則臣逆道不通五星客彗守犯左角上將災右角次將災又主兵喪大臣災火星守之忠臣誅大旱水星守之王者刑罰不中大滯民愁又鄭亮之分有災角中兩黑白星曰平道爲治道之官也平道西一星曰進賢主舉逸進賢周鼎三星爲神

器明則國安動則國危天門二星在平星北天之
東南門也平星二星在下庫樓四星在角南其六
星曰天庫兵車之府也中十五星二三而聯者柱
也中央四小星衡也主陣兵庫中無星主天下有
兵起南門二星在庫樓外天之外門也天田二星
在角上爲天子祭祀之藉田也亡主民失業已上
五星客彗守犯並以所臨占休咎

角星論

角兩星一南一北星經曰去極九十三度半宋天

管窺輯要

卷之二十三

三

文志云角距南星去極九十七度半舊距星正當
赤道其黃道在赤道南不經角中今測角在黃道
南二度半黃道復經角中卽與天相符合角在赤
道十二度十分在黃道十二度八十七分角爲蒼
龍之首鳥獸生角艸木甲拆言萬物皆有枝如角
也布君之威信謂之天關其間天門也其內天庭
也黃道經其中七曜之所行也明大則天下和平
賢人在位動搖移徙則王者出行芒生則國不寧
日食右角國不寧月食左角天下道斷日月犯右

角將軍死月犯右角天下兵起金火犯有戰金守
大將持政火守左角則有戰金犯角羣臣有謀不
成淳化元年七月辛卯太白在角西南一尺許司
天言據纏以當行中道而南乘左角主有謀不成
按書太白形最大星中無比去太陽四十五度內
晝見則占今占候太白晝見蓋去日極遠自然之
理也木犯角道路不通左角爲天田爲理主刑其
南爲太陽道五星犯之爲旱右角爲將主兵其北
爲太陰道五星犯之爲潦漢高祖詔郡國立靈星
管窺輯要

卷之二十三

四

祠正義曰龍左角爲天田天田爲司農教人種百
穀爲稷靈者神也辰之神爲靈星故祀用壬辰日
蓋壬爲水辰爲龍就其類也彗見角色白者有軍
不戰邦有大喪

平道二星在左右角間當赤道爲天子八達之衢
明正則吉動搖則法駕有虞

天田二星在右角之北主天子畿內之籍田金守
之主兵火犯之主旱水守之主潦

天門二黑星在平星之北角之南王天之門朝聘

待客之所明則四方歸化暗則兵革起邪佞生月犯角與天門半年始應若今年十月犯之則明年四月水災餘倣此凡天門陽門南門乃天之三門猶房之四表也天子是而闢戶人君子是而闢四門

平星兩星在天門東南庫樓之北平天下之法廷尉之象也平和改刑王者春生之意也廣狹有常則訟獄平移徙變常則國失政

進賢一星在平道西太微宮東華門之左主訪幽

管窺輯要

卷之二十三

五

人薦賢士明則興廉舉孝賢者在位又主卿相舉逸才周鼎三星在攝提之西國之重器也不見或移徙則運祚不昌

南門西犬星在樓南天之外門也主守兵若明則遠方入貢暗則夷狄叛客星守之主兵至南門不附庫樓以其不但爲庫樓門也

庫樓十星其六大星灣曲爲庫西南四星方斜爲樓一曰天庫兵車之府也天府太府在庫門之內者也主陣兵其中之十五星三三而聚者柱也

中四小星衡也衡所謂關石和鈞王府則有也衡附庫樓凡二十九星爲一座若芒角及庫中星暗則兵四合庫中無星則下謀上明而搖動則兵出四方若盡不見則國無君文獻通考云庫樓十星步天歌以爲屬角而宋兩朝志以爲屬軫其異同固未有以訂其是非也史記亦以天庫樓屬軫

角星說

角宿主造化萬物布君之威信又左角主刑右角

主兵度十二度一十二分其中爲黃道自軫十度

管窺輯要

卷之二十三

六

外末氏一度內於辰爲辰於分爲鄭於野爲兗賦壽星鄭兗角之與元自武牢之汴潁東抵壽域濱河濟逾淮源南及弋陽五月在元昏中西十一月在軫旦中東八月爲太陽躔次

角星歌

兩星南北正直看中有平道上天田總是黑星兩相連前有一鳥名道賢平道右畔獨淵然最上三星周鼎形角下天門左平星雙雙橫於庫樓上庫樓十二屈曲明樓中柱有十五星三三相聚如鼎

形其中四星別名衡南門樓外兩星橫

角星考

平道二星在南角間主道路○進賢一星在平道
西主訪幽人薦賢士○天田二星在右角北主畿
內封疆○天門二星在左角南平星北主朝聘待
賓客之所○平二星在天門東南庫樓北主平獄
訟○周鼎三星在提攝西國之計器主流亡○庫
樓十星在角南其大六星爲庫南四星爲樓爲兵
車之府一曰天庫柱與衡皆主陳兵○南門二星
管窺輯要

卷之二十三

七

在庫樓南主守兵

東方七宿之星按青龍屬東方震震動重陰之下
龜吐氣蛇啓蟄出而善變化者龍也卦直春分之
後辰爲蒼龍之次動則變故龍以春分升而爲雷
出地奮之象以秋分降入爲雷澤歸妹之象盛夏
疾雷木拔龍起震木位於卯也故曰龍雷同類占
家以甲乙寅卯爲龍天文角爲蛟亢爲龍翼爲蛇
軫爲蚓角亢辰也翼軫巳也自春分至芒種震治
也而辰巳爲翼故曰氣之散也房爲天駟又爲蒼

龍之次故馬亦曰龍馬志言五緯入房姬王肇迹者亦與王之嘉瑞也五馬一化爲龍說亦本此其象曰天田曰農祥曰多子皆以應東方之春

角二星爲五帝座庭謂之天關黃道經其中七曜之所行也左角爲天津右角爲天門一曰維首一曰天陳一曰天相一曰天根主造化萬物布君威信又云左角爲天田爲理主刑右角爲將主兵明正王道泰賢在朝日月蝕天下道斷金火犯兵起熒惑犯天田旱郊祀志漢祖建靈星祠平道二星管窺輯要

卷之二十三

八

位在角宿之中爲天子八達之衢主道路搖動則法駕有虞明正吉

天田二星位在右角之北天子之藉田也主畿內封疆金火守兵起水火入旱澇不均

進賢一星位在平道之西太微垣之東主舉逸搜隱明則賢人在外暗則在野

周鼎三星位在攝提之西南天田之西北乃國之神器不見或移動則國祚不寧

天門二星位在左角之南平星之北天子待朝覲

賓客之所也主待宴應對不宜暗

平星二星位在天門之南大理卿之位也主正法
平訟

庫樓十星位在平星之南其六大星爲庫西南四星爲樓一曰天庫金官也是爲兵庫之府庫中五星三三而聚者柱也中央四小星獨也主陳兵光不宜明搖動則寇生

南門二星位在庫樓之南天之外門也主外兵

角爲天門其內天庭壽星也○角二星十二度距

管窺輯要

卷之二十一

九

角南星去九十一度在黃道外半度金星也春夏爲水秋冬爲金爲天關故黃道經其中七曜之所行也左角爲天田其南二度爲太陽道右角爲將主兵其北二度爲太陰道行陽道旱陰道水其大明王道太平賢臣在朝不明而芒角動搖王者失政微細國弱水守之有大臣赦忠臣用○火守之賢臣及相受誅縉布貴有戰伐萬人兵死期三十日火入角君臣隔大兵起○土守之六十日內國有忿爭金守之天下大兵○金火共守太白居後

軍攻殺將水守之王者刑罰兵急有水災兵起
客星及彗孛入角間色白兵起國有大喪赤兵敗
城陷

月入天門及暈三重**大兵起天下道斷將軍失利**
角二星爲天壽蒼龍角也其間天門其內天庭黃
道經其中日月五星之所行也一曰維首一曰天
陳一曰天相一曰天根一曰天田金星也主造化
萬物布君威信兩角之間陽氣所升左爲柱史爲
大理主刑其三尺曰太陽道一作五尺又爲將主

管窺輯要

卷之二十一

十一

兵其北三尺曰太陰道一作五尺蓋天之三門猶
房之四表也七曜由其中則天下安寧或失行而
入其陽則爲旱其陰則爲水角星直指辰卽是耕
始以爲農官角星明大則王道平賢人用天下安
微暗則王道失輔臣不信德令不行天下有兵動
搖則人主憂移徙則入出角端門臣伐君入中華
西門出中華東門若左右掖門而南端門有反臣
入太陰西門而出太陰東門有喪天下亂大水入
西門出東門君不安金火入爲臣謀主入南門出

東門逆行出西門大水逆入東門而出西門大國
亡順入西籓而留不去楚國有殃入東華門至帝
座而出西華門欲謀主不成

五星東行入太微廷而出東門天下有忌兵若有
犯守視其所主以命其人不犯則有大殃

五星從而南籓入留止南大臣憂

五星逆行入天庭中巫咸曰大臣諸侯有誅死者
石氏曰五星逆行太微及出左右掖門者臣有逆

謀天子將命征伐郗萌曰五星逆入在掖門臣劫

管窺輯要

卷之二十三

十一

主荊州占曰諸侯有逆以日言國

五星留太微中中日以上天下有亡徒起兵

五星行南河戌南爲刑法峻暴殺伐不當行北河
戌北主人主之昏庸驕恣奢淫失道近期三年中
五年遠九年國有殃

五星失行守陽門若陰皆爲諸侯有好以其至日
占國○五星行不由天關不出其年有兵

五星逆行入守環繞勾巳習共宿皆爲王者絕嗣

五星入軫中皆爲兵發巫咸曰五星入軫伺其出

日數月之期二十日起兵又從其始入日數之率
一曰其十軍罷又曰五星入軫動不安垂芒則天
下亂不見則國易政

日月變異占

日在角蝕尊有憂黃帝占曰將吏憂國門閉其國
君凶甘氏曰農田之官京房曰其國不安一曰貴
臣憂其邦不實

日暈於南王者憂或曰有謀王蕃曰陰國宜用兵
得地

管窺輔要

卷之二十三

十一

日在角食刑法之官有當黜者陳卓曰其國君死
黃帝占曰將吏有憂或天下道斷大臣獄事一曰
天子惡之一臣爲亂兵

日暈角宿重多死一曰有兵先起不勝海中占曰
臣饑多風雨黃帝占曰日暈圓兩角大水石氏曰
月入角中而暈王者喜又曰有大赦暈一角小赦
甲乙日爲春丙子日爲夏庚辛日爲秋壬癸日爲
冬陳卓曰日月暈圓兩角大將有殃郗萌曰有兵
百日罷無兵後百日兵起荆州占曰天下有大兵

天子以軍自守或曰君不道巫咸曰月暈及角中
夾于自將兵行百里士卒道亡及右角害大厨及
大徵大亂郗萌曰日月暈左角將軍有殃暈右角
左將軍有憂又曰暈左角臣有謀暈右角臣背主
荆州古曰日月以正暈角將軍死歲飢正月戊巳
日暈角有喪二月暈角黃白色五月有赦經曰行
天門而暈三暈重兵起天下道絕將軍失利

月五星干犯占

月犯角海中占曰其國有憂天文錄曰大人惡之

管窺輯要

卷之二十三

十三

乙巳占曰有獄事一曰有喪河圖曰月犯左角
左將軍戰死右角右將軍戰死荆州占曰月犯左
角大臣憂天下大獄國有大水犯右角兵起一曰
胡王死一曰天下多雨

月出左角南三尺多獵五尺及丈天子振動海中
占曰月出左角南國君驕恣多暴獄武氏曰大臣
不測月行右角北胡王死月乘左角兵強若將相
坐法死者郗萌曰大旱

月貫角星三年太子死若角星貫月三年君死

月食角星大臣憂有獄事都尉死天下大殃荆州
占曰月食威角星三年更赦

月掩其年強國有喪奄有角國君死

歲星犯角天下有兵憂郝萌曰臣爲亂一曰民多

疾疫天下災犯左角石氏曰天下道不通犯右角

右將軍死石氏曰王世絕天下更王

水星入角石氏曰有兵行疾期六十日行遲期百

二十日遠不出百八十日木守角爲中兵石氏曰

五穀熟歲善守之百日兵起甘氏曰木守角七日

管窺輯要

卷之二十三

古

有赦忠臣用守之久有兵一曰木留守兩角間久

不下關梁不通郝萌曰木守角處其北五穀不收

又曰木用一南北宜黍稷

木逆行角其君出入不時逆行守角政事急人君

有千里之行

木守角右六十曰君命衆于荆州古曰木守右角

有文德令又曰木守右角北大水五穀半收守右

角南大飢人相食一曰木守右角右賢亡

木守左角有大赦海中占曰木守左角其色黃白

小旱逆行卽旱還則雨

水乘右角兵起大將死一曰將相有坐法者郗萌
曰爲水爲兵乘左角法官誅郗萌曰旱

水食角天子女子多死○水凌左右角國有憂○
水出入留舍守角其歲大熟逆則大吉

熒惑犯角大人憂有赦一月石氏曰大臣爲亂有
兵一曰貴臣憂有戰一曰左右臣有謀不成伏誅
火入角石氏曰君道不通兵起若環繞勾己之國
大飢有伏兵君勿出入右角大兵入左角大赦

管窺輯要

卷之二十三

五

火行角中道天下和平陽道旱陰道水陳卓曰出
陰道多陰謀若逆行角宮中大災逆行角中成勾
己若環繞之人主憂有兵喪關梁不通

火守角有大戰洛書曰下土逆謀兵可出石氏曰
火守角三月國有殃五月受兵七月其野又曰火
守角霸者爭犁甘氏曰忠臣誅國海中占曰貴人
中有擊者郗萌曰諶臣近政事急有千里之行又
曰兵有罷無兵將軍爲亂一曰大旱一曰爲中兵

荆州占曰大饑后族有誅者

火守左角有喪色白爲兵黃青憂赤旱黑刑官死
國有喪郝萌曰臣謀其主荊州占曰兵繚繒倍價
石氏曰左將軍憂甘氏曰延尉憂
火守右角兵起將死石氏曰右將軍憂甘氏曰大
尉憂一曰五穀不熟

火守兩角黃帝占曰車道絕不通若出其陰陰國
戰勝出其南人多病出其北多亡中國有殃行左
負海國有殃守之一二曰女主憂

火守天門中二十日國有大喪大臣變誅一曰火
管窺輯要 卷之二十三 六
守天門芒角赤而光王者絕嗣海中占曰火守左
角及右角其色黃小旱民小厲郝萌曰火守左右
角已去復還守之天子行誅伐守左角左將軍發
守右角右將軍發守前前將軍發守後後將軍一
同五將俱發

火守居兩角間邊境不通

熒惑生角利女鋒刃經角間三十日而三留之人
主無出宮一飾間有伏兵火守天門中有赤色光
芒居之三十日天軍有大征伐男子年十五至者

毛老三年乃止或曰三月郗萌曰火芒角而赤
守天門二十日天飢旱火經兩角多雨

火環繞兩角或勾已有芒如鋒刃天子失宮一曰
后族及將有坐法死者火兩角合相死一曰不死
則出走

火舍天門中巫咸曰人主絕嗣郗萌曰大赦若入
天門中復出之天下大亂火逆行留守角三十日
萬家邑投千家邑投千家邑虜既居之復南北居
之其國不可舉事用兵郗萌曰人反行留角國變
管窺輯要 卷之二十三 十七
殃色黑爲疾爲喪青爲水飢亦爲兵一曰天下津
梁不通

火居角陽國有喜居陰國有憂行不失次也居角
亢間宮臣有謀兵舍於天子者或去而復還居之
天子聽之兵俱起

鎮星犯角大人忌之甘氏曰臣不臣有更令左角
有大戰將軍死土入角左去三尺若一尺與角兵
並出其丙丁日地動

土逆行角郗萌曰女主出入不時土在角失行帝

王出入不時有誅戮

土起右角之左角廷尉大理憂

土乘右角后族或將相有坐法死者郗萌曰土乘

左角為旱乘右角為水為兵

土逆行凌乘左右為日食國有大變土出入門中

兵在外者罷黃帝占曰土星行角中天下兵出陽

道旱陰道多謀陳卓曰土星行角陰道多陰謀舍

角不明女主災留兩角間兵興國門閉邊境不通

土出入留舍守于角六十日不下天下多暴獄七

管窺輯要

卷之二十三

太

十日不下天下有急令八日不下國急石氏曰

土守角萬物不成甘氏曰民有喜巫咸曰水災兵

起海中占曰五穀傷人流亡郗萌曰將有憂有土

主事一曰天微弱為中兵臣作亂一曰國有急事

土守天門中國弱四夷侵守左角國有直臣一曰

貴人多死守右角天子好改游亡其國色潤澤歲

熟色黃小旱

土逆行角大旱其還即守角土行一宿至二宿穀

熟一倍至三宿貴三倍還即止

太白犯角大戰不勝一曰天子自將兵于野臣有謀主者守右角兵起將軍憂有旱災郗萌曰太白犯角道路不通石氏曰金入左角天子憂臣用事逆行左右角門有刺客天子慎之

太白乘兩角大臣有以家法坐一曰臣有謀兵郗萌曰乘左角旱右角水

太白守角國有急道路不通天子兵大戰守之三十日有大赦海中古曰兵西北行太白色黃大臣有喜色赤臣欲反主

管窺輯要

卷之三十三

太白守右角黃帝古曰歲大水五穀不成一曰國君親小人巫咸曰國都圍大人自將兵疾疫起守之六十日相去一尺天子驕佚太白守左角兵不成兵無用若成兵所向無前石氏曰太白守左角居其下土凌王居其下奴婢大戰敗又曰太白守左角上一尺邊境不寧三尺有憂百姓亡七寸則國危亡守左角下芒成民不生土不生要國福太白守左角項星未會國有忠將歲星未會國福德辰星未會龍下開池坐咸曰太白犯守左右角

與熒惑合有大戰破軍殺將若犯守左右角而熒惑從之則災不成石氏曰太白守左角天狗之六畜息枉矢干之四夷兵起彗干之皇后有知臣一曰后有知臣心一曰后有子流星干之主有好小妻海中古曰太白守左角色黃白小旱逆行大旱其復也卽雨

辰星行角中天下和乎出陽道旱出陰道水一曰多雨又曰多陰謀辰星乘左角水一曰有水兵戰乘右角一曰后族或將家有坐法死者辰星與角管窺輯要

卷之二十三

二十三

間合女天下害大臣殺其主留兩角間關梁不通阻塞兵起國廷邊境不通辰星守角王者刑罰急大水滂滂人民往來舟船相望五穀不成天下有殃

辰星入角獄有善令

客星流星彗孛干犯占諸星干支主命訣

客星出角巫咸曰臣謀君從外來天下亂將相誅者一曰出兩角間有奸人在天子宮庭武密占曰客星出兩角間色白兵起不戰國有大喪青有憂

赤兵起有軍在外大戰有破軍殺將屠城黃土土
黑軍破客星出左角刑官易其色以占其故及其
吉凶若黃白星出左角獄齋遷客星出左角與連
相近大如缸赤如血名禍星三日三夜入三年國
王以其日命國石氏曰客星出右角驚相色赤戰
不勝色青憂黃白不戰而去黑將死海中占曰大
赤星出右角國兵出黃星出右角國有驚兵不戰
受地白星不戰而退青黑戰不勝

客星出右入右角將有攻吏者國有驚其星搖散

管窺輯要

卷之二十三

三

絕饒者兵自散客星入角郗萌曰將相后族家有
憂受戮者夏氏曰蝗虫生五穀傷

客星入右角兵吏自來擊者色赤以其兵事色黃
以其土工事色白以義青憂黑死巫咸曰客星入
左多獄多死囚荊州占曰黃色獄官有喜赤黑有
赦有憂

客星入右角石氏曰軍吏有易者色青以憂色黃
以好去白以義去黑以病去巫咸曰色黃君吉去

黑憂

客星守左角赤天下大旱五穀不成一曰客星守左角色赤天下大旱穀不成一曰客星守角左獄多死

客星守右角黑有大水赤多暴虐事

客星守兩角間姦臣在宮庭石氏曰強國仇國命一曰獄多訟巫咸曰大旱大飢郗萌曰臣謀王一曰有賊從外來黃星守兩角間有赦期不出四十日白星守兩角間天下中隔不通

客星止兩角天下有陷地郗萌曰黃出止天天門

管窺輯要

卷之二十三

三

中兵在外者罷客星經兩角間君道塞郗萌曰國門閉一曰白星經兩角間軍在邊塞

客星出亢入兩角間君使人于諸侯有口令赤色言兵事黃言土工事一白言義青言憂黑言死

客星數就兩角間色黃四四兵便有受地者色赤過賊

客星出亢角間色赤國有圍邑一曰大臣盜色白其分有兵

流星出兩角間天子使視出其色以言其色及吉

凶視其所止以命國流星入兩角間有外使來視其所起以言何所其星色黃有貴客來言土地事若納土地青言憂色赤言兵白言義黑言死喪之事一曰流星入兩角有兵關梁不通

流星色赤火缶如入兩角間止有來言軍事者星前赤後黑兵敗將死視其所起以知其所從來

流星入右角兵吏有來擊者色赤以兵色黃以上工事青憂黑死白以義擊者一曰兵起

流星色黃出右角而東極望人主將主行色青出

管窺輯要 卷之二十三

三

左角而東君憂色黑而光出左角國多疾病死亡流星抵角臣謀逆角星故失色成事角星不動作亂者伏誅若抵角不動而流星散散而復合不出其年宮中有大變貴人多死抵右角又爲后宮無子星出兩角間天下大亂更主一曰天子起兵于王庭一曰來入國一曰天子易都一曰暴兵起有戰近期三年中五年遠九年

彗星入兩角有陷地天下更政犯兩角色白軍起

戰賊有大喪色赤者戰所指有破軍投城期三

白雲氣干犯古

雲氣如刀劍出兩角間有陰謀天子無入殿廷期
不出三十日青氣入角天子有疾出之禍除

赤雲氣入左角兵起入右角國驚兵戰不利赤氣
入角而波揚者有火災如行者將奔命

赤氣從兩角過入亢有過兵

白氣出入兩角戰不勝白氣從兩角過入亢者有
過客

管窺輯要

卷之二十三

三

蒼氣入左角有兵兵散蒼雲出右角兵在外者戰
有憂蒼白氣出入兩角兵有憂

黑雲氣出入兩角主兵偏將敗有水災黑氣從兩
角過入亢有過喪

黃雲氣入兩角間天子有祀祠事黃白雲氣潤澤
入角王者得地常以正月二十日五月八日十一
月十四日候角天門中有雲氣或蒼或黑或赤或
白皆以中外不通

晉惠帝永興元年七月庚申太白犯角古曰天下

大戰是時謂王倫內亂胡羯外亂天下交兵
永寧元年九月丁未犯左角占曰左衛將軍死入
主憂天下有兵是時諸侯相承內作亂兵京師帝
率篡弑

穆帝永和元年七月壬寅日始出西方犯在角占
曰大將軍死天下有兵七年劉顯殺石抵及諸將
師山東大亂

角宿去極度數考

按角宿本居東乃位辰之次鄭兗州之分凡十二

管窺輯要

卷之二十三

五

度九月旦在卯十月旦在辰十一月旦在巳十二
月旦在午正月旦在未二月旦在申三月旦在酉
二月昏在卯三月昏在辰四月昏在巳五月昏在
午六月昏在未七月昏在申八月昏在酉

蓋天周旋環轉無一息停機故易曰天行健中庸
曰至誠無息運行不已之妙逐月昏旦各異焉餘
宿倣此

角二星十二度距南去極九十七度○半入角初

度主造化萬物布君之威信謂之天關

語曰萬物戢戢共生不窮孰其尸之造化其五孔
子曰四時行焉百物生焉中庸曰天地位焉萬物
育焉

其間內天庭也故黃道經其中淳風云黃道居兩
角間亢外三尺氏外四尺房間心內皆二尺箕內
六尺尾內十二尺南斗杓一尺斗上間女外皆四
尺虛外六尺危外七尺室外十三尺壁外十四尺
奎外十三尺婁外胃外皆九尺昴外五尺畢在角
皆紫內皆八尺參內十三尺井中間鬼內皆四尺

管窺輯要

卷之二十三

三

柳內五尺星內十五尺張內十八尺翼十六尺軫
內十三尺爲黃道黃道之南曰外黃道之北曰內
天有三十六道惟黃道經絡周天之度赤道紘天
下之半七政之所行也七曜之所循也七曜乃日
月木火土金水也韋昭云循者循軌道不邪行也
張衡云文曜麗乎天其動者七日月五星是也日
者陽精之宗月者陰精之宗五星者乃五行之精
體生於地精成於天各有所屬在野象物在朝象

官在人象事以示吉凶

凡日之行曰黃道黃道所經曰天關或曰天街左
角爲天田亦曰天津又爲天津獄爲大理主刑南
爲太陽道右角爲天門亦曰天陳又爲天棍爲兵
主兵北爲太陰道蓋角乃爲天之三門猶房之四
表也角有三門一曰天門二曰南門三曰陽門今
考主管三門皆在角步天歌陽門分爲九又以天
文志考之陽明距西星去極十三度入角十度所
以陽門屬角索隱云房有四星若人之房三間有
四表也

管窺輯要

卷之二十三

三

占曰角星明大則王道平賢人用天下安微小則
王道失輔不信德令不行動搖則主兵主刑不見
則君易政月犯后妃憂木守歲穰火守旱水守澇
金守主兵主刑土守關梁不通彗孛守天下亂
平道二黑星距西去極九十一度八角二度在左
右角間爲天子八達衢主平道之官八達者一道
路二岐旁言通旁出也三劇旁言道旁出岐多也
四市旁言通商都會處也五山徑農畝處也六邦
畿王者都也七劇駮駮者駮馬也八崇朝崇多也

言多會道稽於此也禮記月令云孟冬天子命百官固封疆備邊境完要塞謹關梁塞蹊徑此平道路官之責任占曰平道明吉法駕有虞

天田二黑星距西去極八十三度半入角二度在角北主畿內封疆亦爲籍田蓋天子躬耕之田也禮記月令云孟春天子乃以元日祈穀於上帝乃擇元辰天子親載耒躬耕帝籍註曰天子籍田于畝收其穀爲祭祀之粢盛故曰帝籍躬者親也如漢文帝躬耕籍田是也激清考志云天田乃天

管窺輯要

卷之二十三

天

子畿內之田胙犧牲而供粢盛奉祭祀者蓋萬物齊乎巽而東作之極故田居之角宿屬巽方巽風也故撓萬物莫疾乎風巽居東南地缺東南東南乃地受氣之處東南之地乃氣之最先得者故田使居之天田籍田也籍田亦有賦之者賦曰揉爲耒剡爲耜取其象也遠矣農爲本食爲天其爲利也大焉聖人利器致豐躬親莫重於稼穡軌物勵俗敦勸克厚乎率先于以奉神祇昭報之誠達於以祈社稷孝享之德宜則躬耕之義也從古以然

皇帝勤爲國本欽若人天所務惟農順動而取
豫所實惟穀時行而應乎乾洎正月之吉日將有
事乎昊天列千官於近甸屯萬騎于遐阡當是時
也其祭不戒而宿設其工職競以先後大禮備兮
和樂陳嗇夫馳兮庶人走帝乃服葱芾乘御耜我
疆我理禮正於三推必躬必親義存乎十畝四輔
宰相六卿近臣大夫師長之族都鄙華裔之人聖
人有作兮萬物咸覩人胥效兮天下歸淳且圖置
者于其豐防險者于其逸有備所以無患克勤是

管窺輯要

卷之二十三

五

用終吉三推之禮廢則倉廩以之虛肆眚之恩廢
則簡書以之佚欽哉欽哉能事斯畢夫然則農功
可大農扈允臧以農爲本兮固有常令以農率下
兮人知向方亦既奉宗廟亦既備蒸嘗一人垂則
兮萬國昌固有迷於日用於胥頌美兮聲洋洋

占曰天田天子供祭祀之田明則歲熟亡則郊廟
不享木守歲穰火守旱水守澇金守農業廢客守
五穀不熟蝗虫爲害葺亭守郊廟祖廟俱廢祀不

享王者不敬天下飢荒

進賢一黑星去極九十一度入軫十四度在平道
西主卿相舉賢逸言薦舉隱逸之賢才如論語云
舉逸民是也

占曰進賢明則賢人進用暗則賢人退處月暈則
野人獻策木守文士用金守武士用

周鼎三黑星距東北去極六十四度○半入角七
度○半在攝提西主流亡亦主壺罇酒器國之神
器史記云禹平水土聚九牧之金鑄九鼎以象九
州曰禹鼎傳之周曰周鼎秦無道周鼎淪於泗水
管窺輯要 卷之二十三 三

其精上爲之升未可盡信且天地開闢而星已有
何獨周鼎至秦而精上升焉識者詳之泗水出魯
國陪尾南山過城又東南過下邳入淮漱清考鼎
賦再詳虛實焉鼎賦曰夫君所以爲天下重者以
其實位鼎所以爲天下貴者以其神器則君得鼎
以祚長鼎應君以時昌故黃帝徵大匠稽舊章異
國貢物遠人來王鐘銅於雷首之下合冶於荆山
之旁聲沓沓以海沸氣瞳瞳而電光乾坤於是震
動日月於是昭彰烈然烟收而虛滅卓爾成功而

効祥煥以雕文錯虬龍之鱗介騰乎瑞色襍天地
之玄黃蓋聖人所以享帝養賢烹飪薦祉重以安
國利以出否納之不以其道則君失其人聽之不
以其聰則雉鳴於耳是以囊括衆彙恢模崇深苞
水火於六爻之象鏤山川於九牧之金於是總百
靈之異見萬國之心然美其影射金晶光飛玉鉉
論者徒議其大小觀者寧識其淺深故道歸天命
無勞楚子之言德自休明實賴王孫之辨爾其法
剛柔之節順行裁之志乃有道則見生于汾水之
管窺輯要

卷之二十三

三

陰無道則隱沒於彭城之地可以斥奸慝可以禦
魑魅應時而動吉無不利故曰作者之謂聖述者
之謂明何明聖之至神契陰陽之至精德表先知
火不然而自沸量含光大水不汲而自盈旣去故
以元吉終取新而利貞則知執虛以待物者正乎
位體柔而進已者宜乎亨故能應王家之至德垂
不朽之鴻名

占曰周鼎明國安不明國不安移徙寶器遷

天門二黑星距西去極一百零四度半入於軫十

六度在平星北天子東南門爲朝聘待客之所禮
王制云比年一小聘三年一大聘五年一朝中庸
云朝聘以時註曰朝謂諸侯見於天子聘謂諸侯
使大夫來聘

占曰天門明則四方歸化不明則天下不朝彗孛
守諸侯各據一方天下亂

平道二星距西去極一百九度○半入軫十六度
半在庫樓北主平天下法典禁獄之事亦爲廷尉
官王氏曰廷者平也治獄貴平故曰廷尉

管窺輯要

卷之二十三

三

占曰平星乃執法之官明則刑法平暗則獄訟多
冤金火守刑嚴法峻

庫樓十星距西北去極一百二十三度入軫十五
度在平星南爲天庫兵車之用也其六大星灣曲
爲庫西南四星斜而爲樓其中十五星三三而聚
曰柱中央四小星曰衛西去極一百二十八度入
角四度主陳兵又曰藏兵之府○庫乃藏兵器之
所柱乃出兵之具衛乃制陳之度澈清考淮南子
云甲堅兵利車固馬良畜積給足士卒殷軫此用

軍大資藏兵之說也明于星辰日月之運刑德奇
哀之數背鄉左右之便又有不原之智不道之趨
不同衆論除謹動靜時吏卒辦兵甲治正行伍
連什伯明鼓旗此行軍大資而出兵之說也善戰
者必擇其人技能其才官勝其任人能其事告之
以政申之以令使如虎豹厥有爪牙舉如飛鳥厥
有大翻故其動也神出而鬼行星耀而玄逐進退
詘伸不見朕整鸞舉麟振鳳飛龍騰發如秋風疾
如駭龍以生繫死以盛乘衰以疾掩遲以飽制飢

管窺輯要

卷之二十三

三

以水滅火如湯沃雪何往不遂何之不可逢在中
虛神在外漠運於無形出於不意與飄飄往與忽
忽來莫知所之與條而出與間而入莫知所集卒
如雷霆疾如風雨若從地出若從天降獨出獨入
莫能應圍疾如鏃發何可勝偶一晦一明孰知端
緒未見其發固已至矣善用兵者迅疾如雷不及
塞耳射光之電不暇掩目若磴之輅若聲之響睇
不及撫呼不及吸仰不見天俛不見日手不麾戈
兵不盡拔擊之若雷薄之若風炎之若火陵之若

波靜不知守動不知爲將卒吏民鼓鳴旗麾動靜
如身乃可以應敵合戰也此行陳之大機而制陳
之說也國家致治之極耀德不觀除戎是戒故上
天有庫有柱有衡象焉

占曰庫樓居常吉芒角則兵車用庫中星衆多則
天子兵強庫中星微少則天子兵弱搖動芒刺則
中外戎馬騷動五柱皆動則五將皆出軍一柱不
具兵半出五柱不具兵盡出月犯夷兵起金火犯
寇兵起彗孛犯天下亂赤氣如槍射庫樓天子自

管窺輯要

卷之二十三

三

將兵出

南門二星距西去極一百三十七度入軫十一度
在庫樓南天之外門主守兵禁

占曰南門西大星主夷狄明則遠夷入貢不見則
夷貢不來而門禁不守客守奸夷出入

陽門二黃星距西去極一百十三度入角十度在
庫樓東北主執兵器以戍邊守隘塞陽門乃邊塞
險阻之地激清考淮南子曰陝路津關大山名塞
龍蛇蟠却笠居羊腸道發符門一人守隘而千人

不敢過也或曰人心不固雖屯萬夫而莫守何門
金城與湯池人心若堅縱置一卒以常閑何用巖
巖與峭壁語曰在德不在險陽門之謂也

占曰客星守陽門則夷狄犯邊明潤則邊將英勇
微暗則邊臣不職移徙不見則邊兵不守彗孛守
邊臣叛而夷兵起角二星爲天關蒼龍角也其間
天門者其內天庭黃道經其中左角爲天田爲理
刑爲陽道右角爲將軍爲統兵爲陰道蓋天之三
門猶房之四表角間二星曰平道爲天子八達之
管窺輯要 卷之二十三 五
衢天田天子畿內祭田奉宗廟棗盛進賢在太微
東明則賢人進用周鼎在攝提西國之神器爲運
祚者天門在平星北爲朝聘待客平星在庫樓北
主獄廷尉庫樓十星六爲庫十爲樓中央四星曰
衡周旁十五星三三相太白杜總爲天庫藏兵器
之府庫明吉暗凶南門二星乃天之外門主防守
陽門在庫樓東北主邊地險隘星入兵起

角宿雜座

周鼎

周鼎三星在攝提西南國之神器也星明則國安
移徙或不見則運祚有厄動搖就聚則神器將移
○彗孛出周鼎天下革命

天田

天田二星在左角北天子畿內躬耕以供祭祀之
籍田也主畿內封疆星亡則郊廟之禮廢農民大
失業歲星守天田五穀大豐○熒惑守天田天子
不敬郊社國有大災旱五穀不成太白入守天田
人君發大兵為殘賊五穀不收辰星守天田大水
管窺輯要 卷之二十三 三

虫

天門

天門二星在右角南平星之北天子待朝聘賓客
之所也其星明則四方歸化不見則兵革起關梁
不通四方阻絕○熒惑入天門中去而復還關梁
不運火通天門國絕祀太白舍天門中人主無出
國門之遠宮門之中有伏兵客星入天門諸侯有
謀○流星入天門有諸侯之使來

平道

平道二星在左右角間天子國中八達之衢主道
路其星明正其吉動搖則法駕有虞○歲星守平
道天下隱士陞用熒惑守平道天下兵亂太白守
平道天下兵亂○客星犯平道諸侯不朝奸人橫
行一曰天子戒行幸彗孛出乎道天子戒行幸

進賢

進賢一星在平道西太微東主舉逸民搜賢才星
明則賢人進用不明則賢人在野○月暈進賢野

管窺輯要

卷之二十三

三七

人獻策五星犯進賢賢人廢棄○火星守進賢野
人多誹木星守進賢文上大用土星守進賢野逸
舉用金星守進賢野逸誅○蒼白雲氣入進賢相
黜野逸憂○白氣入進賢賢士喪黑氣入進賢賢
士憂○黃氣入進賢賢上有恩賜

平星

平星二星在左角南庫樓北大理卿位主正法平
獄訟共星欲明而正直大小齊同則君臣和政令
行不明或差戾不正則君臣不和政荒法亂石氏

曰平星執法之官欲其齊等廣狹有常高下不差則萬物成天下治○歲星犯平星執法臣憂若有罪誅○熒惑犯守平星兵起國亂以亡一曰執政臣憂有赦太白犯平星主命領守之執法臣憂○客星出平星庫吏不忠有廢黜賦斂之臣憂○流星入平星執法令者憂若出之臣有廢黜者彗孛出平星執法臣憂政令不行國失綱紀石氏曰以峻法爲威天下亂

庫樓

管窺輯要

卷之二十三

三

庫樓十星在角南其大六星爲庫四星爲樓一曰天庫金官也是爲兵庫之府庫中十五星三三而聚者柱也中央四小星衡也主陣兵庫樓明大而芒角則兵起車騎用庫中星衆實則天子兵強虛則諸侯謀反庫中無星則天下皆反動搖則戎馬驚一曰天子征伐四夷庫樓五柱皆動則五將自行五柱生角多芒則天子兵盡出庫中星不具則兵半出五柱皆不見兵車悉出天子自將一曰庫中無星臣下謀上盡空則國無君政石氏曰庫樓

之官兵所藏其中欲實惡空虛庫樓星上近柱則王者殿樓有飛鳥不知其處若有天火燒之者○月入庫樓天下兵並起○歲星犯庫樓兵出民飢入庫樓天下有旱災○熒惑入犯庫樓兵出視其所之所之以知兵之所往火入天庫兵大起歲旱天下有驚守之三十日國有急諸侯兵悉出一曰兵亂十年乃止○鎮星入庫樓王者舉兵出伐大吉○太白入庫樓守之三十日兵起西北方若舍之三十日大將兵出諸侯兵悉發○太白乘守天

庫中國兵所向無不勝有自來王將其民來中國有喜○辰星入庫樓大水國以水起兵斧鉞用大臣誅○客星入庫樓民飢兵飢一曰邊郡兵起天子有事于夷狄客星出庫樓庫兵大出車騎行若守之邊兵大起客星犯庫樓五穀大貴○流星出庫樓兵大起隨星所之天下空○流星犯庫樓兵大起王者大憂入庫樓兵發車騎出彗孛出庫樓兵動驚主近臣謀上石氏曰天下兵起庫兵大發民以飢兵起○赤氣如孛尋槍竿冲庫樓天子自

將兵兵大動中外震驚武庫官憂天下不安

南門

南門二星在庫樓南天之外門主守兵其星欲明
明則人主昌執法者正遠人入貢不明臣不忠夷
狄叛兵起○歲星守南門王者出畋獵犯南門夷
狄兵起道路不通○熒惑犯南門兵車大起天下
戰一曰邊夷兵起道路不通○鎮星犯守南門邊
夷兵起道路不通太白犯守占同辰星占同○客
星出南門若守之關梁塞道不通人民憂石氏曰
南門中有小星三芒出兵車大起○流星出南門
大臣有外事○流星入南門四夷兵起關梁不通
○彗孛出南門兵起道路不通

管窺輯要

卷之二十三

罕

南門二星

其星欲明

